

Madandaulo ndi Chi pepeso

Boma la Malawi lidzayesetsa kuti anthu amene malo awo adzakhale nawo mgawo la kumangidwa kwa Sikimuyi alandira chi pepeso choyenerera. Pali chiyembekezo kuti anthu ambiri sadzasamutsidwa chifukwa cha ntchitoyi. Chi pepeso chidzaperekedwa potsatira Malamulo a Dziko la Malawi, Malamulo a Banki ya Dziko lonse komanso African Development Bank.

Ntchito yomanga Sikimu sidzayamba mpaka chi pepeso chitaperekedwa kwa anthu okhudzidwa. Anthu adzalandira chi pepeso pa zinthu monga malo, zokolola monga mbewu, mitengo ya zipatso, zomangamanga monga nyumba, matchalitchi, ndi masukulu mwa zina komanso mitengo. Anthu amene nyumba zawo kapena zomangamanga zina zidzakhudzidwa ndi kumangidwa kwa chingalande, adzapatsidwa mwayi wosankha kumangiridwa zina kapena kupatsidwa ndalama zamtengo wofanana ndi katundu amene adzagwetsedweyo. Anthu amene malo awo ali mnjira ya chingalande koma pafupi ndi munda imene idzalimidwe adzakhala ndi mwayi ochita nawo ulimi wanthilira pamene anthu amene malo awo ali mnjira yachi ngalandeyi koma patali mindayi adzapatsidwa chi pepeso.

Boma kudzera mu Pulojekiti ya SVTP lidzayesetsa kuonetsetsa kuti madandaulo onse a anthu akumudzi amveka komanso kuthetsedwa. Munthu akapereka madandaulo, Komiti ya Kumudzi idzamva madandaulowo ndi kuyesetsa kuti afuzidwe mwatsatanetsatane ndi kuthetsedwa mmasabata awiri. Koma ngati komitiyi yalephera, munthu ali womasuka kupititsa madandaulowo ku Komiti ya kwa Mfumu Yayikulu (TA) kumenenso madandaulo akuyenera kuwunikiridwa ndi kuthetsedwa kwa masabata awiri.

Ngati munthu sanakuthirebe akhoza kutenga madandaulo kupita nawo ku Komiti yapa Boma kudzera ku Ofesi ya Bwanankubwa kumenenso ndondomeko yake imatenga masabata awiri. Zikavutitsitsa madandaulowo akhoza kukasiyidwa pa Komiti yayikulu ya Dziko (National) kumenenso kumatenga masabata awiri. Ma komiti onsewa akakanika kuthetsa madandaulowo, munthu ali womasuka kupita kubwalo la milandu kukasuma. Pulojekiti inawonetsetsa kuti onse osankhidwa kuyendetsa makomiti amenewa akhale anthu achilungamo komanso opanda mbiri ya katangale.

Pa nkhani zonse zokhudzana ndi malo, munthu adzikatula madandu ku komiti yazamalo ya mmudzi (Customary Land Committee) kumene akakanika kuthetsa madandaulowa nkhanayi izidzapita ku komiti ya pa eliya (Customary Land Tribunal) ngati zakanika pa eliya, madandaulowa adzikatulidwa ku komiti ya kwa DC (District Land Tribunal) ndipo ngati zakanika apo, madandaulowo azikasiyidwa ku komiti ya yikulu yaku Boma (Central Land Tribunal). Madandaulo akakanika kuthetsedwa ndi makomiti onsewa, munthu ali ndi ufulu opita kukasuma kubwalo lamilandu.

Kusamala za Chilengedwe ndi Malo Otetezedwa

Boma lidzaonetsetsa kuti pomanga Sikimuyi zachilengedwe zidzatezedwe. Chingalande chidzadutsa pansu mu nkhalango ya Majete kuti nyama zakutchire zizidzatha kudutsa komanso kuti alendo azidzathabe kukaona ku Kapichira. Malo amene chingalande chidzakhale chotsegula adzamangilidwa mpana. Boma lidzaonetsetsa kuti kayendedwe kamadzi pa Damu la Kapichira kasokonezedwe chifukwa cha kumangidwa kwa chingalandechi.

Mundime yachiwiri ya Pulojekitiyi, chingalandechi chidzadutsa munkhalango ya Lengwe. Mamangidwe a chingalandechi adzaonetsetsa kuti njira zodusirapo nyama pokamwa madzi zilipo. Malo otetezedwa azachilengedwe amene akhudzidwa ndi SVTP ndi Lengwe, Majete, Mwabvi, Elephant Marsh komanso Nkhalango ya Matandwe. Pulojekitiyi idzaonetsetsanso kuti malo osungila za chikhalidwe amene akhoza kupezeka ntchitoyi ili mkati adzatezedwe.

Pulojekitiyi ikagwira ntchitoyi mogwirizana ndi nthambi zowona za Nkhalango, Zachilengedwe, Za Ulimi wa Nsomba (Departments of Forestry, Parks, Wildlife, Environmental Affairs and Fisheries).



Government of Malawi
Ministry of Agriculture

Mukafuna kumva zambiri werengani pa intanet:
www.svtp.gov.mw

Lembani kalata ku keyala iyi:

Shire Valley Transformation Programme-1
P/Bag 379,
Chichiri
Blantyre 3

Phone: 01 828 709

Kapena kalata yapa intaneti kwa:

Project Coordinator: projectcoordinator.doi@svtp.gov.mw

Information Desk: info.doi@svtp.gov.mw

Shire Valley Transformation Programme-1

'Umoyo wabwino kudzera mu ulimi othilira
wa mbewu zamalonda'



Pulojekiti ya SVTP

Boma la Malawi kudzera mu Unduna wa Zaulimi ndithandizo lochokera ku Bank ya Dziko Lonse (World Bank), African Development Bank ndi Global Environment Facility (GEF), likuyendetsa pulojekiti ya Shire Valley Transformation Programme (SVTP). Ntchito ya Pulojekiti ya Shire Valley Transformation ndiyazaka khumi ndi zinayi (14) kuchokera m'chaka cha 2018 mpaka mchaka cha 2031. Pulojekiti ya SVTP idzabweretsa madzi anthilira mudera lokwanira ma hektala 43, 370 kuchingwa cha Mtsinje wa Shire kudzera mu chingalange kuchokera pa Damu la Kapichira m'Boma la Chikwawa mpaka ku Bangula, m'Boma la Nsanje. Izi zidzapangitsa kuti madzi othilirira mbeu adzipezeka chaka chonse mmadelawa.

Cholinga cha Pulojekiti ya SVTP

Cholinga cha Pulojekiti ya SVTP ndi kutukula ntchito za ulimi kudzera muulimi wanthilira ndi kulimbikitsa malimidwe amakono kuti alimi ang'onoang'ono a mchigwa cha Mtsinje wa Shire adzipeza phindu. Cholinga cha Gawo loyamba la Pulojekitiyi (2018 mpaka 2023) ndikupereka madzi okwanira kupangira ulimi wanthilira, kuwonetsesa kuti nkhanu ya malo a ulimiwu ya unikiridwa bwino ndiponso kuonetsesa kuti malo osungila zachilengedwe akusamaliridwa ndi kutetezedwa.

Chimene Pulojekitiyi Ikufuna Kukwaniritsa

- * Kupereka madzi aulimi wanthilira modalirika, mundondomeko yalondolozeka bwino ndiyoyang'ana chitsogolo kwa alimi mwa magawo magawo komanso kupereka madzi ogwiritsira ntchito tsiku ndi tsiku;
- * Kukhazikitsa magulu a alimi ang'onoang'ono omwe adzipanga ulimi wanthilira ngati bizinezi osati ulimi wongofuna kupeza chakudya chokha ndi kuwalumikizitsa ndi magulu amene ali okhazikika mu bizinezi;
- * Kuthandizira mabungwe a alimi kukhazikitsa dongosolo logwiritsa ntchito malo lomveka bwino ndi kulimbikitsa ntchito zokhudza malo komanso kuphatikiza malo aulimi pamodzi;
- * Kuonetsesa kuti malo otetezedwa osungilako zachilengwedwe akusamalidwa.

Madera Omwe Akhudzidwe

Ndondomeko yomanga Sikimu ya Shire Valley idzachitika m'magawo aviri. Gawo loyamba lidzakhudza dera la kumpoto kwa Boma la Chikwawa mpakana kumpoto kwa malo otetezedwa a Lengwe. Gawo lachiwiri ndi dera lakumwera kwa Lengwe mpakana ku Bangula m'Boma la Nsanje. Pali malo amene sinaphatikizidwe nawo mu Sikimuyi ngakhale ali mdera limene chingalanchi chidzadutse monga malo amene ali ku mtunda kuposera chingalande koteru kuti madzi a ulimi wanthilira ukuyenera kupopedwa kuti afikeko, dothi la malowo ndilosagwirizana ndi ulimi wanthilira, malowo ndi pamudzi pokhala anthu, malo wotetezedwa, manda kapena malo otetezedwa okhudzana ndi za chikhaliidwe.

Omwe adzapindule ndi Pulojekiti ya SVTP

Cholinga cha Pulojekiti ya SVTP ndikuthandiza alimi ang'onoang'ono ndi alimi ena onse mdera lokhudzidwa. Alimi okhala m'magulu ndi kugwiritsa ntchito malo ndi amene adzakhale oyamba kulandira madzi othilira mbeuwa. Anthu onse amene ali m'madera a pulojekitiyi adzalandira uthenga kuti asankhe ngati akufuna kupeza nawo mwayi oyamba ulimi wamakono wambeu zamalonda. Pakuti pulojekiyi ithandiza anthu onse m'madera okhudzidwa, izi zidzatukula umoyo wa anthu popanda kusankha.



Chidzachitike ndi malo a anthu n'chiani?

Pulojekitiyi imalemekeza ufulu wa anthu wokhala ndi malo. Anthu okhawa amene ali m'malo momwe chingalande ndi misewu zidzadutse adzapatsidwa chipepeso. Minda ya nthilira idzakhazikitsidwa mbali mwa ngalande za madzi ndipo kudzakhalakofunika kuti alimi adzaphatikizane malo awo ndikupanga magulu a ulimi wa nthilira. Alimi adzayikidwa m'magulu kuti aziyang'anira madzi ndiponso, ngati kuli koyenera, ulimi wawo.

Pulojekiti ya SVTP idzathandiza kukonza migwirizano yosakamiza pakati pa ma kampani ndi mabungwe a alimi. Izi zidzathandiza alimi kupititsa patsogolo ulimi wawo, kupeza misika yambiri ndi kulumikiza kagwiridwe ka ntchito za ulimi kuyambira ku munda mpaka kwa anthu ogwiritsa ntchito mbeuwo zochokera mu ulimi. Kuonjezera apo, Pulojekitiyi idzathandizanso ulimi wa ziweto, usodzi komanso kubweretsa madzi ogwiritsa ntchito za pakhomo ndi ntchito zina zing'onong'ono.

Kukhazikitsa magulu a alimi ang'onoang'ono

Alimi amene akufuna kukhala nawo gawo la Sikimuyi ukuyenera kubwera pamodzi, kusonkhanitsa malo awo ndi kulembetsa ku Boma. Magulu a alimiwa ntchito yawo idzakhala yoyang'anira kuti minda ikuyenda bwino ndi kupanga migwirizano ndi Kampane imene Boma lidzalembe kuti idzayendetse Sikimu.

Mgwirizanowu udzatsindika mtengo umene magulu alimiwa azidzapereka ku Kampane kuti izidzayendetsera Sikimuyi kuphatikizirapo kukonzera ngalande zikaonongeka komanso nthawi imene mgwirizanowu udzakhali.

Kodi Sikimuyi idzayendetsethwa bwanji?

Sikimu ya Shire Valley ndi zonse zoyenera ulimi wanthilirawu ndi katundu wa Boma la Malawi. Boma lidzalembe ntchito Kampane imene idzakhale ikuyendetsa Sikimuyi. Zina mwa ntchito ya Kampanyi ndi kuonetsetsa kuti minda yonse ikulandira madzi okwanira monga mwa mgwirizano, kuonetsetsa kuti ngalande ndi zonse zofunikira zikukonzedwa pafupipafupi kuti madzi apitirire kuyenda mofunikira ndi kulowa mumgwirizano ndi magulu a alimi ndi kuonetsetsa kuti magulu a alimiwa akupereka ndalama zoyendetsera Sikimuyi mwazina.

Ndondomeko ya Ulimi wa Makono/Ulimi ngati Bizinezi

Ulimi wanthilira umafunikira malo akulu koteru kuti alimi ukuyenera kudzaika malo awo pamodzi nkupanga minda ikuluikulu. Alimi azidzalandira phindu/ndalama kutengera ndi kukula kwa minda yawo mbeuwo zikagulitsidwa komanso theka lina landalamazo lizidzasungidwa kuti lipitirire kugwira ntchito pa ulimiwo.

Alimi omwe ali ndi malo mkatikati mwama buloko amene adzapangidwe komanso madera ozungulira, ali ndi ufulu wopanga nawo ulimi wanthilirawu. Alimi adzalimbikitsidwa kuyendetsa ulimiwo mwaukadaulo kuti kholola lidzakhale lochuluka komanso kuti mbeuwo zawo zizidzagulitsidwa pamitengo yabwino mmisika yosiyanasiana.



Kodi ndi mbeuwo zanja zimene zidzadzalidwe?

Cholinga cha Pulojekiti ya SVTP ndi kutukula alimi ang'onoang'ono a mchigwa cha Mtsinje wa Shire kuti adzilima ulimi wanthilira wamakono komanso wopindulitsa. Magulu a alimiwa adzasankha mbeuwo zimene adzafune kulima pa malo awo, koma mbeuwo zogulitsa kumisika yosiyanasiana zidzalimidwa patheka lalikulu la mindayi.

Phindu lopezeka mu ulimi wanthilirawu lidzathandiziranso alimiwa kulipira Kampane yoyang'anira Sikimu. Theka lina la mindayi lidzagwiritsidwa ntchito motere; kulima mbeuwo zakudya, kudyetsera ziweto, ndi kubzala mitengo ya zipatso mwa zina.